


Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Ministarstvu za boračka pitanja Kantona Sarajevo, JU Memorijalni centar Sarajevo, Uredu za borbu protiv korupcije i upravljanje kvalitetom Kantona Sarajevo i Kantonalnoj upravi za inspeksijske poslove Kantona Sarajevo

PREDMET: Stanje, održavanje i upravljanje Spomeničkim kompleksom Tunel D-B („Tunel spasa“)

Poštovani,

Cijeneći historijski, kulturni i memorijalni značaj Tunela D-B, u javnosti poznatog kao „Tunel spasa“, koji predstavlja jedan od najznačajnijih simbola odbrane Sarajeva i Bosne i Hercegovine tokom agresije, a imajući u vidu brojne informacije koje se pojavljuju u javnosti o stanju samog objekta, muzejske postavke i prateće infrastrukture, u skladu sa Poslovnikom Skupštine Kantona Sarajevo upućujem sljedeća zastupnička pitanja:

I. STANJE OBJEKTA TUNEL D-B

1. U kakvom se trenutno stanju nalazi Spomenički kompleks Tunel D-B?
2. Da li je izvršena stručna procjena stanja samog objekta i tunelskog dijela kompleksa?
3. Molim da se dostavi posljednji izvještaj o tehničkom stanju objekta i tunela.
4. Da li je tunel u potpunosti prohodan za posjetioce?
5. Ukoliko nije, koliki dio tunela je trenutno prohodan i dostupan za posjetioce?
6. Koji dio tunela nije dostupan javnosti i iz kojih razloga?
7. Da li postoje oštećenja, slijeganja tla, problemi sa vlagom, podzemnim vodama ili drugi građevinski problemi koji utiču na stanje tunela?
8. Koje su aktivnosti poduzete u posljednjih pet godina na održavanju, sanaciji i zaštiti objekta?

II. OGRANIČENJA PRISTUPA I ZATVARANJE DIJELOVA TUNELA

1. Zbog čega je dio samog tunela zatvoren za posjetioce?
2. Kada je donesena odluka o ograničavanju pristupa pojedinim dijelovima tunela?
3. Ko je donio navedenu odluku?
4. Da li postoji stručni nalaz ili elaborat na osnovu kojeg je donesena odluka o zatvaranju dijela tunela?
5. Molim da se dostavi dokumentacija na osnovu koje je donesena predmetna odluka.
6. Da li postoji plan potpune sanacije i stavljanja u funkciju zatvorenog dijela tunela?
7. Ukoliko postoji, molim da se dostavi plan aktivnosti i rokovi za realizaciju.

III. MUZEJSKA POSTAVKA I SOBA NANE ŠIDE

1. Da li je muzejska postavka poznata kao „Soba nane Šide“ i dalje sastavni dio memorijalnog kompleksa Tunel D-B?
2. Ukoliko nije, kada je uklonjena?
3. Ko je donio odluku o uklanjanju navedene postavke?

4. Na osnovu kojih stručnih, muzeoloških ili drugih kriterija je donesena odluka o uklanjanju postavke?
5. Gdje se trenutno nalazi inventar, eksponati i muzejska građa koja je činila postavku „Sobe nane Šide“?
6. Da li je izvršena evidencija i popis uklonjenih eksponata?
7. Da li postoji plan vraćanja ili rekonstruisanja predmetne postavke?

IV. ULAZNE BARIJERE I SISTEM KONTROLE PRISTUPA

1. Da li su ulazne barijere instalirane na lokalitetu Tunela D-B trenutno u funkciji?
2. Kada su iste nabavljene i puštene u rad?
3. Kolika je bila vrijednost njihove nabavke?
4. Ko je bio dobavljač i izvođač radova na instalaciji sistema?
5. Da li su barijere trenutno operativne i koriste li se za namjenu za koju su nabavljene?
6. Da li su u proteklom periodu evidentirani kvarovi ili problemi u radu sistema?
7. Koliko je sredstava utrošeno na održavanje i servisiranje sistema ulaznih barijera?
8. Molim da se dostavi kompletna tehnička specifikacija ulaznih barijera, uključujući: proizvođača, model i tip uređaja, tehničke karakteristike, kapacitet rada, način upravljanja i kontrole pristupa, garantne rokove i servisne ugovore.
9. Da li tehničke karakteristike ugrađenog sistema odgovaraju potrebama i namjeni za koju je sistem nabavljen?
10. Da li je izvršen tehnički prijem sistema i ko je potpisao zapisnik o prijemu?

V. NADZOR, KONTROLA I UPRAVLJANJE

1. Da li je Kantonalna uprava za inspeksijske poslove vršila nadzor nad stanjem objekta Tunel D-B u posljednjih pet godina?
2. Ukoliko jeste, molim da se dostave zapisnici, nalazi i eventualno izrečene mjere.
3. Da li je Ured za borbu protiv korupcije i upravljanje kvalitetom Kantona Sarajevo vršio provjere zakonitosti nabavki, izvođenja radova ili upravljanja Memorijalnim centrom Tunel D-B?
4. Ukoliko jeste, molim da se dostave nalazi i preporuke.
5. Da li postoji dugoročni plan zaštite, održavanja i razvoja Memorijalnog centra Tunel D-B?
6. Molim da se dostavi pregled svih ulaganja u objekat i prateću infrastrukturu u posljednjih deset godina.

ZAKLJUČAK

Tunel D-B predstavlja jedan od najvažnijih simbola opstanka Sarajeva tokom agresije i neprocjenjiv dio historijskog naslijeđa Bosne i Hercegovine. Upravo zbog toga postoji obaveza nadležnih institucija da osiguraju njegovu zaštitu, očuvanje autentičnosti, adekvatno održavanje i transparentno upravljanje svim sadržajima koji čine ovaj memorijalni kompleks.

Posebnu zabrinutost izazivaju informacije koje se odnose na stanje samog tunela, zatvaranje pojedinih dijelova objekta, uklanjanje muzejske postavke „Sobe nane Šide“, kao i funkcionalnost sistema ulaznih barijera nabavljenih javnim sredstvima.

Gradani Kantona Sarajevo, boračka populacija i svi posjetioci imaju pravo znati u kakvom se stanju nalazi jedan od najznačajnijih memorijalnih lokaliteta u Bosni i Hercegovini, te na koji način se upravlja javnim sredstvima namijenjenim njegovom očuvanju i razvoju.

S poštovanjem,

Sebija
Zastup